

OHR pozdravlja namjeru njemacke vlade da finansira prijeko potrebnu reformu poreskog sistema u BiH

Ured visokog predstavnika je danas izrazio zadovoljstvo zbog obavijesti u kojoj se kaze da njemacka vlada planira da obezbjedi 3 miliona DEM za reformu poreskog sistema u Bosni i Hercegovini. Ova sredstva ce se vjerovatno povecati i do cifre od ukupno 10 miliona DEM.

Reforma poreskog sistema je prijeko potrebna kako bi se postavili temelji za modernu trzisnu ekonomiju, koja predstavlja jedan od tri strateska prioriteta OHR-a u BiH, zajedno sa povratkom izbjeglica i jacanjem drzavnih institucija. Ovaj prioritet je takodje od sustinskog znacaja za integraciju BiH u evropske strukture.

Andreas Clausing, sef njemacke GTZ agencije za razvoj u BiH, je najavio ovaj projekat na dvodnevnoj konferenciji koja je pocela danas u Sarajevu, a kojom predsjedavaju zamjenik visokog predstavnika Daniel Besson i Medjunarodna savjetodavna grupa za poreski sistem. Cilj konferencije je pronaci rjesenja za oba entiteta kako bi modernizovali i uskladili svoje postojece poreske strukture, te omogucili razvoj poslovnog sektora u zemlji.

Sadasnja poreska osnovica u oba entiteta ima isuviše ogranicavajuci karakter. Ona se mora prosiriti kako bi se snizile poreske stope, koje su trenutno previsoke. Entiteti trebaju uskladiti svoje poreze na promet i akcize kako bi podstakli slobodno kretanje roba i doveli do pada cijena.

Sadasnji sistemi predstavljaju ozbiljne prepreke izgradnji

funkcionalne ekonomije u BiH. Trenutno, preduzeca koja zele trgovati u oba entiteta moraju placati dvostruke akcize. Veliki porezi koji opterecuju licne dohotke u privatnim firmama dovode do laznog prikazivanja visine plata, cime se osobama zaposlenim na taj nacin dugorocno uskracuju penzione i zdravstvene beneficije. Sadasnji poreski rezimi u oba entiteta takodje predstavljaju prepreku domacim i stranim privatnim ulagacima.

OHR i medjunarodne kreditorske institucije takodje vjeruju da bi sredstva trebalo kanalisati vertikalno, od drzavnog trezora prema entitetima, u sklopu napora na jacanju drzavnih institucija u BiH.

Poreska pitanja koja ce se razmatrati na danasnjoj konferenciji predstavljaju vitalni interes svih gradjana Bosne i Hercegovine i odrazavaju se na sve aspekte zivota, od rodjenja do smrti. Dinamicna reforma poreskih struktura u zemlji ce biti od stvarne koristi za sve gradjane BiH.